

Transkription von Urkunde KOL 1496a

Ort, Datierung: Kolberg, 1496-??-??

Signatur: Landesarchiv Greifswald, k.A.

Inhalt: Werner vann der Schulemborch: Schiedsspruch

Bemerkung: Urkunde durch sehr kleine Schrift und Verderbnis nicht gut lesbar

Wy Werner vann der Schulemborch heftmann Im lande to Stettin vnnd Berndt [W...oi] doctor vnd Cumptor tom wildembourk Bokennen vnd dhun kund / jw aller me(n)nichlich dat wy tusschen den welgebaren Edellud(en) hern hinrig Ladewich grauen van Epersten vnd ligen to howgarden van eynem vnd / dy Erszamen wiszen borg(er)meister vnd Radtmanne der Stede Colberge vnd Cessolin vame andere wyse erer twerrechtigen vnd gerigen szakenn / haluen Alze zich langest vnd bet nhu hier tusschen en enthouden hebben vromelich dat [Era... ardewich] dy gnanten Rede vnd Stede Colberge / vnd Cosselin beschuldighedde vnd bolangedde vnd he In vorgangen tiden van dem Capittell to [...] to eyne(m) postulat vnd vorwiszer des ge/stichts to Camyn erwelt vnd van dem Capittell to Camyn vnd van andern prelaten [man... eden] vnd vnderdanen des gestichts vor vor / ock angenampt geligt vnd gehalten vnd em dy Slate Corlin Cultzow vnd ander [geliegenen] [...] gestichts In gedhan vnd aueranthwerdt / weren darvan vnd to handthebbunge des gestichts he mercklinge best [rernoge] vnd vlit gedhan hadde Szo weren dy van Colberge vnd Cos/selin bauen dy verschriu(n)ge briue vnd Segell szo he van dem gestichte hadde hergekamen vnd hadden em dat Slot Corlin mit gewalt affge/wu(n)nen Ingenamen vnd enthbracht dy zine(n) up dem Slate gewundt gefangen dothgeslan vnd em vnd den zine(n) van dem Slate an gelde huszge/rade Clenedien bussen parden vnd andern [me... lich] genamen vnd enthfrundt vnd vormeynde ze scholden em dar [...] lick vnd wandelt plege / weszen dar Iegen dy van Colberge vnd Cosselin up brechten vnd antheten ze bostunden dat zine gnade ermals wu beruret to eyne(m) vorwesen / des gestichts Camyn erwelt dar vor gehat vnd gehalten vnd em des gestichts Slate vnd togeheringen Ingeanthwerdt wegen hedden ock [...] / geszyhn vnd [...] vlit angewardt dat zine gnade dar by vnd vorder to er(e)m rechten vulkamen bostendigen bisschope [...stad get] were [...] dem / he auers sulck van vnszen alderhiligsten vader dem bauest nicht hedde magen klangen Szunder zine hillicheit hern warinn zeligen to eyn(em) / fulkamen rechten bisschop des gestichts Camyn vorerdent gegeuen vnd geuoret hadde vnd van ziner hillicheit vnd des glikem van dem selü/chten hochgebarn fersten vnd hern heren Ingeszlaff to Stettin pamern Cassuben dee wende hertoge ferste to Rugen vnd greue to gutzkow vnsze(re) / gnedigen hern vam gestichte vnd en ernstlich geschreuen vnd gebaden were Cemeltin hern [...] vngewagert vor ore(n) rechten bisschopp / to enthffangen vnd em des gestichts Slate vnd togeheringen In to uoranthwerdenvnd toschaffen dem nha hadde dat Capittell to Camyn vnd des / glikem dar gestichte hern warinn vor oren rechten warafftigen Bisschopp vnd landes em angenampt enthffangen gehorsam vnd plichte ge / ghan vnnd bisschopp [...] hadde mit zampt dem Capittell vnd gestichte to Camyn dat Slot [...]hn] van hern greue(n) ladewige werrerma(n) / guthlich geuordert vnd bogert dat seluige [...] bisschopp warine vnd dem gestichte van [Z... den] mit selffrechte gewegert vnd [poren...] / helden dar vm(m)e vnd up vorberurde vnsze alderholtogestem vaders des pauestes vnd vnnsze gnedig(en) hern hertoge buggeszlaffs schriuergelt ge / bident vnd beuelnisse vnd eyne vordracht vnsze gnedigen hern hertoge buggeszlaffs der haluen sprake ock begher vnd [ermanent] Bisschope / warinj alze mes landts hernn [w...] dy van Colberge vnd Cosselin vor

Corlin getagen dat Slot va[n] hern Graue Lodewiges hoffluden vnd gesynde / also dar binnen weren guthlich geuerdet vnd up Bisschopp warinj behuff willen In namen dat were en van hern Greue lodewiger hoffluden vnde / den zine(n) muthwillich vnd mit gewalt gewegert dar vm(m)e hadden de gewalt mit gewalt [testmende] dat Slot angeghan vnd Ingenanten dÿ erem / weren dar vor doth [gelleuen] vnd [gewinnt] en were ock nicht bewust dat hernn Graue ladewige noch den zine(n) wes dar van gename(n) were / vnd haptten wat ze also gedhan hadden were mit billichen vnd guden boscheide geschÿn vnd weren hern Graue ladewige noch den zine(n) der / haluen nicht plege wu denne Clage anthwerdt Rede vnd wedderrede van beiden parten weder vorludt vnd up gebracht zinth vp dar vorder lest/teringe schaden vnd varlicheit na kleuen guthlichen gededinget vnd gehandelt vnd ze mit ern aller weten willen vnd vulbort In desszeme [...] / schreuen wiszen to eyne(m) vulkamen ende guthlich vorricht vnd enthscheiden hebben vnd nemlich Alze dat dy vam Colberge vnd Cosselin hebben / ehr der makeinge dissze briues hernn Lodewige Greuen von [C... erstem] vor alle vnd Jgliche tospraken anseggendt vnd [maningeh] Alzo he / vnd dy zine(n) der vorberurden szaken haluen to den van Colberge vnd Cosselin vnd dy des mit en todunde hadden vormunde to hebben / effte hebben mochte dryhundert gulden Rynsch an ganckgeuer mu(n)then geuet uthgericht vnd betalt dar to alle gefangen dy ze he(r)nn / Greue ladewige affgegrepen hadden loszgegeuen vnd mith hende vnd munde wu zech [...] loszgelaten dar mit schalen ze / van beiden parten vor zich vnd dy [...] vnd allen den de des eruent haluen mit en hebben todunde ghat vnd In der szakenn / vordacht vnd vorwandt zint [d...] velegedachten szaken haluen vnd alles wes dar uth enthstan vnd enthspraten is wu dat genomt / muchte werden nictes buthen boscheiden to eym(e) gantze(n) vulkamen ende guthlich gericht vnd [...slegen] weszen Alze dat her / Graue lodewich zine eruen vnnd dÿ zine(n) to den van Colberge vnd Cosselin vnd den eren vnd weddervm(m)e dÿ van Col/berge vnd Cosselin vnnd dy oren to hern Greue ladewige ziner gnaden eruen vnd den zine(n) vnd des glikenn dy des van beyden / parten todunde hebben gehat hen vorder beyn anseggendt maninge effte tosprake mher hebben noch boholden schalen Szunder / schall gentzlich wechgelecht vnnd gericht weszen vnd bliuen vnd hern graue lodewich vnd zine eruen schalen dor dy oren vnd dy / des mit em todunde hebben gehat geistlich vnd werthlich vnd des glikenn dy van Colberge vnd Cosselin vnd ere nakamelinge / vor dy eren vnd dy des mit en todunde ge hebben gehat geistlich vnd werthlich sulker [...inge] ein part dem andern rechte ge/werer weszen Sulk alles hebben beyde parte mit handtgeuanden truwen togesecht [angen...nd] gelauet stede vaste vnd vnge/uerlich toholden des to orkunde hebben wÿ disszen brÿff mit mÿn [wan...] van [...] Ingesegell des wy vns / up dyth [...hall] hir to Zampulich gebuken vorseggellen laten vnd to gantzen vulkamene(n) [...] dar dissze vorberurde slage vnd / [entsch...] In aller mathen wu berurt Alzo bespraken gededinget vnd van vns [...dende] angenampt bowelliget / vnd togesecht is hebben wy ladewich Greuen van [Euersten] vnd here to howgarde [...] vnsze eruen vnd wy borg(er)/meister vnd Radtma(nne to Colberge vnd Cosselin vnszen vnd ern nakamelingen vnnsze Ingesegell [...] werner van der / Schulemborg Ingesigell vnde(n) an disszen brÿff mit gantzer guder witschapp ge hangen van [...] Am ffridage na sun(te) / [lau...rium] ¹ na Cristi vnsz[(eres) her]nn gbort virtheinhundert Jm Sessundnegentigsten Jare /

¹ Heiligentag nicht eindeutig erkennbar